



Vogese Rueche 2024

150 Joor Waggis – d' Legände läbt

Syt 150 Joor genau,
Freyt sich jedes Kind und jedi Frau,
Iber d Waggis wo,
Am Cortege dien uff de Wääge stoh,
Syt 150 Joor jetzt scho,
Dien d Binggis Dääfeli bykoh,
D Miggeli e Rööslì,
E Hampfle Ráppli und Mimösli,
D Männer hingäge die sy froh,
Allewyl e Schnäpsli z bykoh.

Syt 150 Joor sy mir im Gscheh,
Syt 150 Joor duets immer glain Ändrige geh,
Vomne glaine Nääsli zemne grosse Zingge,
Vo schlichte Äugli ze settige wo blingge,
Friehter no mitem Laiterkarre,
Und Ochse wo dy dur dr Cortege fahre,
Hytt mit riese Wääge und no gressere Traggdore,
Isch die alti Zyt scho fascht verlore.

Friehter hesch no intrigiert und Sprichli gmacht,
Ráppli gschmisse und denn zämme glacht,
Hytt ischs bitz anderscht uffem Waage,
Darfsch jo nymm alles sage,
Muesch uffpasse ohjee,
Was darfsch no abem Waage geh.

Ain isch Vegan – frisst also kai Geladine,
Wills nit fairtrade isch foht e andere ah gryyne.
Sälle vertrait kai Gluteen,
Diese hett mit Laktose e Problem,
Muesch dy also froge persee,
Was darfsch no abem Waage geh?

Saisch ainere, kumm mol do ahne Schätzeli,
Haut die dir gratt uffs Dätzeli,
Was fällt ihne yh, wie kenne sys wooge,
Das haisst nit kumm, nai sy sotte frooge,
Wurde sy welle schnäll do ahne koh,
Mit DU mien sy denn au nit ahfoh,
Mir kenne uns jo nit, mir platzt dr Krage,
Drumm sotte sy SIE zu mir sage.
Allgemain sygs e Beläschtigung,
Drum erwart y jetzt e Entschuldigung,
Ihr mergget die hett doch e schyybe,
Und ych als Waggis muess drunder lyyde.
Mir stöhn do dryber – mir sy drumm besträbt,
Ass d Legände nomol 150 Jöörli läbt!

R.m.ö

vogeserueche.ch